

\*\*\*

ყველაფერი შეიძლება მოხდეს:  
მთა მთას შეხვდეს, მზე მთის იქით მოხვდეს,  
ვარდი დაჰკნეს, როს ბულბული მოსხლტეს, –  
ყველაფერი შეიძლება მოხდეს.

შეიძლება, როს დაბნელდეს არე,  
ხევებს იქით გადაქანდეს მთვარე,  
შეიცვალოს ვარსკვლავების არე, –  
ყველაფერი შეიძლება მოხდეს.

შეიძლება, შხამით სავსე სასმისს  
გიწვდიდეს ხმა მეგობართა რაზმის,  
თან საშინელს გიმზადებდეს რასმეს, –  
ყველაფერი შეიძლება მოხდეს.

სამშობლოს წინ ყოველ ვალთა მოხდის,  
მშვიდობის წიგნს გვირგვინს ვერვინ მოხდის,  
მშვიდობის გზა რომ ოდესმე მოკვდეს,  
არა, ეს არ შეიძლება მოხდეს.

1957